

二二道光

榆林府志

卷三六

釋道

釋道

榆林

明

清忠和尚 壽寧寺僧性慧博學時引藏乘語擬議六經多有合者
詩翰亦奇警縉紳先生聞而禮之三年前自言嘉靖庚戌歲當死屆期
坐化見鎮志

烏思 山西竺來自言常受菩薩戒於烏思藏同行三人皆類有道
者欲往清涼山尋文殊遺跡住於榆林城西論經持咒晝夜

不勝惟日中一食而已

後入五臺而寂見鎮志

道遙子 嘉靖二十間自東來榆林科頭赤脚隆冬不知寒大雪端
坐於地竟夕不移汗猶津津出人魄之食始食或叩之推

領之不語居榆林三月而去日午出城未刻

有人在二百里外遇之竟莫知所終見鎮志

一燕 姓彭氏字勿別號海侗子不知何許人貌甚古數更姓名人
不能測萬歷四十六年春副使陳性卒許汝魁鎮將杜文煥

邀致授以服氣煉神存真知命之道云能俯此則可證陞砂八百
之數每於指光中見未來事後一旦飄然去往來吳楚間後不知

所終見鎮志及錄

王輔 榆林人應募千戶讓與其弟經脩煉形氣嘗遊五當山深谷
中習靜年八十餘步履若飛弟經往迎之歸榆林年餘謂經

云我於某日還山乃過餘親知至日端坐

而化有自米脂來者遇輔道上見鎮志

本朝

榆林府志 卷三六 人物志 釋道

性耀 字洞然榆林人衛鎮總兵官吳國偉弟幼即厭簿籍華及長
不願娶妻剪髮為僧住十方院誦經論流賦之亂杖錫南

去開戒於嵩山龍潭寺河南人尊事之

編龍潭即尚於康熙六年化去見通志

普音和尚 字福開榆林人自幼穎悟博涉儒書工詩詞善書法苦
志參禪掛錫定慧寺旁通釋典修道意沛年雅重之常
與往來賦詩詞又捐資購

經卷甚富沙門多賴之

大量和尚 法名與旺榆林人削髮于龍泉寺苦志參禪專
心釋典常知未來之事年踰古稀跌坐而逝

通益和尚 字自慶俗姓趙榆林人住錫于華提寺勤修苦業僧雖出家事孀母至孝殆如夷子之能明一本也

神木

本朝

明儒和尚 字鑑庵神木人居觀音堂善書法通經典與處士折必宏相契遺有墨蹟圓寂後邑令朱琦讚其像自此以下俱見

神木志

映祕和尚 神木人居東郊塘海寺寺故破損祕發願與僧于逐日所獲經資累積鳩工重建並增脩藏經閣一所迄今稱

巨刹

寬懷和尚 神木人居白龍寺守清淨戒能誦詩詞壽八十餘

顯脩和尚 神木人居東郊塘海寺城實向道不食不饒壽九十餘

榆林府志

卷三六

人物志 釋道

五

馮道士 神木人居馮家均蓋手註無進心經雍正年大學士孫文恪公閱之稱善於都門披板行世

賀道士 不知何許人乾隆年間神木寺持經咒據云勿曾學道龍虎山凡民間禱雨請其誦經輒應

王道士 名本鑑湖廣人勿習舉業中年慕道入武當山偷煉乾隆年王至神木寓河神廟年已八十半神蕭灑與文人談史鑑事甚有義理且能知人休咎好施予戊戌歲與邑人作別告期羽化紳民于北關西立塔樹碑後有人于西安路猶遇見之

郝道士 字藏風神木人通遊名山晚年工詩神安飄逸壽至八十餘歲

葭州

明

王風真人 不知何許人萬曆乙巳雲遊至葭州南五里白雲山童顏鶴髮施藥濟人神木大參陳性學聘之獨居一室七日不火隆冬袖出青麥歲早有禱即應後碑城尚書薛貞奏上勅賜道經一藏封為王風真人後不知所之見延安府志又葭州志

云姓李氏萬曆三十三年初至吳堡閉關靜坐州人任邱縣丞牛登第逐之遂抵白雲山結庵以居辟穀不食者累月遇人有疾療之即愈榆林巡撫鄭汝璧總兵官李如璋聞而異之乃迎去因之一室數日覺有神化因拜謝焉真人居數旬返建觀於山上時大木皆從黃河漂來不募而成功竣即他往後人於觀之南設祠祀之

剪頭仙人 萬曆中葭州山中有剪頭仙人日飲淨水三碗以水療疾問府鄭汝璧大帥李如璋請至榆林求其為民治病

給水與人無不應命古論及宋事武穆死仙輒大哭問其姓曰姓周晝夜令百餘人環侍之忽不知其何從而去撫帥求之不得望空遙禮空中塵名帖二紙書周三長拜謝五字乃知剪頭仙人即宋大理州周三畏不肯勘問岳武穆獄掛冠而去者也

見新鎮志稿

青龍岩居人 州志姓名未詳其吳以積善為事條青龍岩羅漢殿一犬亦化土人形肉軀敦泥塑像至今猶存見葭州志古蹟

榆林府志

卷三六

人物志 釋道

六

本朝

楊繼白 一號全真山西人康熙十一年來遊葭州有仙氣州守聞三元見而敬之初白雲山無井泉楊過而關導之井泉出焉遂自賦詩以見意時呼其水為仙人井

懷遠

明

華和尚 波羅堡接引寺僧日坐禪經於萬曆年間坐化是日有人

溝見延安府志

安府志

在靖邊遇華隻履西行甚急後於堡西南建塔倍呼新寺

溝見延

安府志

三嘉慶

長安縣志

卷三五

釋老

長安縣志卷三十五

釋老傳

釋老之教所以齊死生一物則闡寂滅通幽明中庸之聖據弗道也末俗趨下營營焚焚覆載局於罽羅神明潰於温蠖日月一去夷然大歸以此絮彼抑又偵矣今敘次自周杜冲以下以備釋老傳

周

杜冲字元逸鎬京人樓元學道穆王為修觀建寺冲吟詠遊德經二十餘年感真人展先生降於寢所授九華丹一函又感真人李君授以太上素靈洞元大有妙經乃通冥達幽莫測其際本太極真人傳

馮長周宣王時為柱下史觀天文之變乃退隱攝生遇真人授以靈隱等書遂得仙術用以活人平王三十年昇化本舊志

漢

吳睦少為縣吏後逃入山飢乏累日遇異人命學種黍及胡麻備驅使經四年遂授以道本舊志

劉根字君安成帝綏和二年舉孝廉除郎中棄世學道入嵩高山石室冬夏不衣身毛長一二尺顏色如十四五歲人王莽時衡府君使府掾王珍問起居數得見每見根書符了有所呼召似人來取或聞推問有人答對及鞭撻聲息莫測其端也根後入鷄頭山仙去本神傳

晉

慧嵬止長安寺戒行澄潔有一鬼作異形嵬隨言遣之後冬雪有女子求寄宿形貌端正自稱天女以上人有德天遣我來相慰嵬志貞確謂曰吾心若死灰無以革囊見試女凌雲而逝顧歎曰海水可竭須彌可傾彼上人者秉志堅貞不可易也隆安間與法顯俱遊西域不知所終本高僧傳

王嘉字子年隴西人石季龍之末至長安隱終南山苻堅累徵不起
堅南征遣使問之嘉曰金剛火強復問世祚曰未央明年癸未敗於
淮南所謂未年有殃也姚萇入長安禮嘉如堅萇與苻登相持問嘉
曰吾得殺苻登定天下否嘉曰略得之萇怒曰得當云得何略之有
遂斬之及其死子興字子略方殺登略得之謂也嘉死日人見之隴
上嘉初隱於東陽谷鑿崖穴而居弟子數百石季龍兵亂棄其徒衆
潛隱終南山門人復隨之乃遷於倒獸山本晉書及十
六國春秋
鳩摩羅什天竺人在涼州積年無所宣化姚興西伐迎羅什待以國
師之禮仍使入西明閣及逍遙園譯出衆經羅什多所暗誦無不究
其義旨更出經論凡三百餘卷興奉之若神死於長安姚興於逍遙
園依外國法以火焚尸薪滅形碎惟舌不爛本晉書

隋
普安姓郭涇陽人周氏滅法隱終南山樵梓谷隋興廣募遺僧餘僧
皆應詔惟安自守林壑後遷于午豹林谷澗之側人有殺生者常倍
價贖之不得即自割胔肉曰此彼俱肉耳人食米理足貴也其感人
率此類本舊志

唐
元奘本名禪姓陳洛州緱氏人遷長安住莊嚴寺貞觀三年往西域
取諸經遂至佛國取經六百餘部以貞觀十九年還京師下勅令住
玉華翻譯經藏初奘將往西域於靈巖寺手摩松枝曰吾西去求佛
教汝可西長吾歸即却東迴使吾弟子知之後果如其言衆謂此松
爲摩頂松
窺基字洪道姓尉遲長安人母裴氏夢吞月輪寤而有孕及長躬事
元奘學諸佛法常造文殊象及金寫大般若經皆獲瑞應謂之慈恩

教並本
舊志

匡智長安人貞觀間棄妻子與姪大郎往廬山修煉有老人曰此山
陰地仙不可得乃至吉州義山有樵夫曰此山安穩勉力精修遂於
送龍洞尾立二壇朝夕禮斗數年中元節上昇而去大郎更立第三
壇禮斗次年七月七日尸解事聞勅鄉人祀焉本胡濟
善碑記
傅仙宗長安人有神人告以修真地遂赴平岡隱焉開元間詔赴闕
問道對曰守以恬淡行以簡易又問金丹曰惠及民物即長生也久
之還山乾道二年逝邑人王念還自成都見其乘青羸於簡州道上
本四川
通志

無畏三藏天竺人初至依宣律於西明寺宣律禁令戒苦三藏飲酒
食肉往往乘醉喧競宣頗不甘之忽中夜宣律捫虱將投於地三藏
半醉連聲呼曰律師律師撲死佛子耶宣律方知其爲異人也整衣
作禮師事焉開元十七年七月旱帝詔畏請雨畏持鉢水以小刀攪
之有物如虯龍起鉢中白氣騰涌詔使曰速歸雨即至矣頃刻風
雷震電霖雨彌日又普汜雨逾時詔畏止之畏挽泥媪五輻向之作
梵語叱罵者即刻開霽其神異多類此

惠忠姓王上元人天寶初止莊嚴寺於殿東擬創法堂有古木鵲巢
其頂工人將伐之惠曰且止因至樹祝曰此地造堂當速移去言畢
其鵲遷巢他樹觀者嘆異大歷間坐化於此寺並本
舊志
明
遺遺張永樂時道人止長安西郭土室中神情朗異鬚張如戟而身
垢穢不堪自曰姓張西郭人因號爲遺遺張喜與郭民劉寔蕩遊嘗
以身垢爲丸醫人疾病後他適而禮部尙書胡濙奉命訪張三丰覓
劉寔蕩言遺遺之動履蓋似張三丰云本舊志

皇朝

王一清文昌宮道士潔心潛修壽一百十歲

本府志

諺曰自周室不綱異學日熾降及漢晉延熈逾酷橫流所訖殆不可
限况都會之地華靡之習益易漸化哉至考其明性望欲彰往察來
之能殆亦足以述於後矣

卷三十五 釋老傳

四

甘肃

二四(乾隆)甘肅通志 卷四一 仙釋

欽定四庫全書

甘肅通志卷四十一

仙釋方伎

羽流縉素宿植靈根養道林泉棲心物外餐芝吸露
息盡塵機勸善戒惡有裨世教至於方伎之士或醫
藥治疾或卜筮指迷皆有益於民生均當傳其姓氏
毋令湮沒不彰志仙釋方伎

仙釋

欽定四庫全書

上古廣成子昇仙記云混沌開闢有廣成子先天地而
生後天地而終在崆峒之上修真養道黃帝往見之
問以治身之道答曰至道之精窈窕冥冥至道之極
昏昏默默無視無聽抱神以靜形將自正必靜必清
無勞爾形無搖爾精乃可長生慎內閉外多知為敗
我守其一以處其和故千三百歲而形未嘗衰黃帝
再拜稽首今崆峒山有廣成子洞為神仙之與宅人
迹所罕到

漢盧真人秦州人號鐵馬大仙漢時與成紀令觀燈廣
陵飛騰俄頃今玉泉觀有仙室遺蹟

魏封 衡隴西東鄉人幼學道術服黃連五十年入山
採藥百餘年復還鄉里如二十者常乘青牛故號青
牛道士聞有病死者輒探腰間竹管中藥與服之立愈
魏武帝台問養性大畧衡曰減思慮節飲食著有養
氣法衛生經數十餘卷

晉石 垣字洪孫居無定所不娶婦不營產業食不求

欽定四庫全書

美衣必粗敝或道之衣受而施人人有喪輒杖策
弔之路無遠近時無寒暑必在其中或同日共時人
咸見焉又能閤中取物如晝無差姚萇之亂不知所
終
檀時師名惠豐居涼州飲酒啖肉語默無常逆論來
事後皆如言
法 成涼州人十六出家學經律不餌五穀唯食慈
脂居山巖穴習禪後有小疾乃告人曰我死矣明日

合掌而卒

曇無讖北京沮渠世於姑臧譯大方等集經三十卷
慧嵩北京沮渠時與曇無讖於姑臧譯大般若涅槃經四十卷

曇霍禿髮僂種時從河南來持一錫杖令人跪曰
此波若眼奉之可得道或遺之衣服受而投之河後
日以還其主衣無所污行步如風雲言人死生貴賤
無毫釐之差或藏其杖曇霍輒閉目須臾起而取之
咸奇其神異莫能測也

欽定四庫全書

卷四十一

三

法護月支人年八歲出家隨師至西域諸國遂曉
外國語其餘三十六種亦無不曉晉武帝末隱居深
山山有清泉恒取澡漱後有熱者據其水則俄頃水
涸護徘徊歎曰人之無德清泉流數水若永竭無以
自給我當移去耳言訖而清泉湧出滿澗
單道開敦煌人常衣粗褐不畏寒暑晝夜不卧恒服
細石子一吞數枚好山居山樹諸神見異形試之初

無懼色石季龍時從西平來一日行七百里其一沙

彌年十四行亦及之至秦州表送到鄴季龍令佛圖
澄與語不能屈也季龍資給甚厚道開皆以施人人
或來問者都不答佛圖澄曰此道士觀國興衰若去
者當有大亂及季龍末道開南渡許昌辱而鄴中大
亂後至南海入羅浮山年百餘歲卒勅弟子置屍石
穴中陳郡袁宏為南海太守登羅浮山至石室見道
開形骸如生香火瓦器猶存曰法師業行殊尊正當
如蟬蛻耳

欽定四庫全書

卷四十一

四

王嘉字子年隴西安陽人外醜形貌而聰睿內明
滑稽語笑不食五穀清虛服氣不與世人交遊隱於
東陽谷鑿崖穴居弟子亦穴處石季龍之末隱於終
南山符堅累徵不起公侯以下咸躬往來詰問其當
世事者皆好為譬喻狀如戲調言未然之事辭如讖
記事過皆驗堅將南征遣使問之嘉乃乘使者馬正
衣冠東行數百步而策馬馳返脫衣服棄冠履而歸

下馬踞牀一無所言使者還告堅不悟復遣問世祚云何嘉曰未央咸以為吉明年癸未敗于淮南所謂未年有殃也人候之者不至心則隱形不見衣服在架履杖猶存或欲取其衣者跂而取之衣架踰高而屋亦不大履杖諸物亦如之姚萇入長安與苻登相持問嘉曰吾得殺苻登否嘉曰畧得之萇怒曰得當云得何畧之有遂斬之先此釋道安謂嘉曰世故方殷可以行矣嘉答曰知其先行吾負債未果去俄而

欽定四庫全書

世說新語

五

道安亡至是而嘉戮死所謂負債者也萇子興字子略方殺登畧得之謂也嘉之死日人有隴上見之

曇猷或云法猷敦煌人少苦行習禪定後遊江左太元中有妖星現帝普下諸國有德沙門精勤佛事令懺穢災猷乃析誠冥感至六日旦見青衣小兒來悔過云構勞法師是夕星退太和末卒于天台石室舉體綠色其後人入山登巖見猷屍不朽

妙道真人王本豫景留人世居三河年八十有五鶴

髮童顏行不策杖忽名弟子曰吾將逝矣於是齋戒沐浴端坐談笑頌曰勞苦生涯蕭條活計九九餘年超凡脫世頌畢而化時中統建元初

齊元暢狄道人少為寇獲其帥曰此兒目光外射非凡童也遂釋乃往涼州出家復避於揚州洞曉經律深入禪要占記吉凶無不驗遊成都止大石寺入齊後山結草為庵弟子見神人乘馬繞山一匝指示造塔之處乃建塔焉齊太子遣使徵迎曰吾數盡矣至

欽定四庫全書

世說新語

六

京而卒

北周無名僧武帝天和二年勅為夏州三藏尋欲官之家宰宇文護以書勉之答以收迹巖中攝心塵外此本志也安能憤憤久住閻浮地乎因著寶人銘曰法界中有如意寶人焉擬其身銘其膺曰多知多事不如息意多慮多失不如守一慮多志散知多心亂心亂生惱志散妨道英賢才藝是為愚蔽

梁寶志金城狄道人七歲出家長修禪業止江東道

林寺言若讖記或一身三處宿梁武帝即位下詔誌
公神遊冥寂勿禁出入常與白鶴道人爭得潛山麓
武帝以二人俱靈道各以物識其地已而鶴飛去至
麓忽聞空中錫聲遠卓於山麓鶴止他所皇子生誌
曰寃家亦生後知與侯景同日生天監十三年無疾
而終累代加號道林真覺禪師

唐佛光道悟姓寇氏蘭州人生而有齒年十六自欲出
家父母不聽數日不食乃許之後二年自臨洮歸滯

欽定四庫全書

卷四十一

七

子店夜夢梵僧喚覺聞馬嘶豁然大悟將遊諸方鄉
人求頌有水流須到海鶴出白雲頭之句至熊耳果
遇白雲禪師海公先是人問海何不擇法嗣亦有芝
蘭秀發獨出西秦之語比師至夜聞空中有言來日
接郭相公黎明海呼僧令持香花接我關西弟子寺
乃唐郭子儀建既至一言相契徑付衣鉢寺前常有
剽而殺人者來告急師呼衆擒之曰即汝是賊尋得
其巢穴衆請命師諭釋之其後路不拾遺或以師前

身為汾陽王云泰和五年結廬於臨洮之大勢寺閉
圓覺經一日早盥漱畢呼侍者曰我病也尋藥去侍
者足未及門師已卧遊方丈有五色雲如寶蓋中有
紅光如日者三年五十有五

殷道荃不知何許人亦不測其年壽行遊天下無常
名自稱七七賣藥涇州時病疾甚多得藥即愈驚為
神所酬錢輒施於人周寶先於長安識之尋為涇州
節度延之禮重

欽定四庫全書

卷四十一

八

雷 牛成紀人煉丹于長道縣之南山唐明皇時宮
中有疾名至長安調治即愈封雷王今山上藥白尚
存有古槐一株液出似酒飲之去病人謂雷峯仙酒
劉道通學仙術居徽州金蓮洞修煉兼曉符錄法治
病效至德間元帥田守璋薦賜號曰清淨真人
惠 印徽州人幼出家通經律文宗召至京師授榮
祿大夫司徒銀印賜號真惠國師
僧加大師西域人姓何唐龍翔初遊方至泗州臨淮

縣建寺頗示神異景龍二年中宗遣使迎入尊為國師頂上有一穴以絮室之夜則去絮香從穴中出非常芬馥及晚香還頂中仍以絮室之師嘗濯足人取其水飲之痼疾皆愈時京邑無雨師將瓶水汎灑俄頃陰雲驟起甘雨大降中宗大喜詔賜所修寺額為普光王寺御筆親書至四年三月二日端坐而終

喬真人 郭真人俱雪山鳳林人同遇呂仙示以神仙之道修煉之方排五色石以象五行後期年復遇

欽定四庫全書

甘肅通志

卷八

仍各賜火棗命食之道烏兔海蟾四字了然頓悟能見吉凶知禍福後昇化於玉泉觀有碑記

詹道人慶陽羣牧所軍採藥賀蘭山陰遇神人授學久之悟出言成大唱咏有佳趣修復普照寺人從牖窺見護法泥神起立聽道人計畫明日緣事應答如響工竣辭官民告去異日坐化有人從數百里來見道人南去相與立語莫知其終

宋秦志通李志亨俱金縣人自幼聰敏能讀書即知慕

道兩人各相規勉元宗內外二典無不精研得遇太虛真人授以金液大丹五行生尅七返九還之道遂尚心烹煉數足功完於政和二年白日拔宅昇天今興龍山乃遊覽處清虛觀其故里也

徐神翁鎮原人修煉飛昇之術居潛夫山今山後有神翁洞嘗遺詩數首後宋南渡翁口占絕句送高宗卒如其言

宋披雲宋時人少遊大梁後訪道入陝至於太白山

欽定四庫全書

甘肅通志

卷八

五陵遇純陽真人授以金丹了道于崆峒山著書行世號披雲真人

朱友祥符間人修真養性于回山西真宮數年絕烟火粒食餐松栢葉以為常行履如飛世傳其得道後隱太和山不知所終

元澄陽真人姓何氏抱罕人生有仙風道骨弱齡即慕道一日汲水遇異人就飲一見奇之相與言方外事咸解悟隱顯林中動有金光覆映至正三年五月十

四日雙鶴來空彩雲繞室須臾飛昇今城西有大隱
庵

程守善素有道行居萬壽觀內有槐僵死二十餘年
守善居此其槐復蘓枝葉暢茂咸以為異常應召賜
號通真子

馮真人修煉總真觀有道術凡祈晴禱雨靡不驗有
一石枕黃潤似玉人有疾者以枕捫之即愈

黃居士元時人家巨富好道棄家入崆峒不與人交

欽定四庫全書

世宗本紀

十一

接一日感純陽真人得修道口訣持煉子欲月華午
餐日精後蟬蛻而化

梁誌通山西介休人號達元子生至元丙子間慕道
來秦終於玉泉觀時或遇之長安蒲橋與使客傳錦
封煙霞無為真人

趙野雲元季道士自號趙野雲由慶陽來簪栢采插
佑德觀中倏不見竟成參霄之材人以為神翁復來
云有碑

明張三丰遼東懿州人名全一一名君寶三丰其號也

以其不修邊幅又號張邈邈頤而偉大耳修髯一袖
一蓑所啖升斗輒盡或數月不食或處窮山或遊市
并能一日千里嬉笑諧謔旁若無人洪武初居武當
山中二十三年雲遊長安繼至隴上遍遊多方冬春
不履又號赤脚張常寓岷州楊永吉家道一小鼓雖
擊大鑄莫能混音成祖遣官于四方尋訪未見封通
微顯化真人又平涼紫極觀道士朱元貞修築道院

欽定四庫全書

世宗本紀

十一

望雲房純陽留侯洎三丰像於中獨三丰像結胎已
就不能肖忽一日有羽衣至蒲團杖履蕭然塵外散
步道院見未成像問之元貞對以故羽衣曰此何難
知吾嘗會其人於崆峒西崖其人身可七尺餘面目
頽偉長鬚修眉彷彿與貧道同然坐位如此有所未
安元貞問故曰雲房純陽皆師也可並坐乎眾然之
工人依其言經營出像少焉羽衣竟失所在乃知三
丰示現也洪武二十四年雲遊甘州寓張指揮家寓

十年去莫知所之舍之老嫗嘗伺其出竊葫蘆藥一
九啗之三丰歸覺謂嫗曰汝竊食此藥益壽太多奈
所享不繼後嫗壽百餘舍內嘗遺中袖一葫蘆一居
人患疫者借中袖覆之即愈童稚患瘡疾者翦少許
貼服之即愈天順中鎮守甘肅總兵王敬忠中滿疾
火化中袖節服之遂愈成化初定西侯蔣琬會宴守
臣以葫蘆擬三度維劇其葫蘆即席自碎

慧 達肅州人姓劉名寧和自幼出家為僧洪武間

欽定四庫全書

卷四十一

遊至涼州閉關靜坐一日謂涼州人曰明日肅州遭
水患吾當救之明寅酉向巳時至肅討來河水漲泛
勢將逼城慧達至西峯離城一里許用手一指水向
北潰遂不近城因遂圓寂於此建有寺塔人以手迹
崖為古蹟

白雲道人俗姓黃洪永間嘗依於涼州魯氏人莫測
其迹夏坐烈日中毫無汗濕冬立風雪暖氣如蒸與
之食則食不與亦不食問其事悶悶不答否則以隱

語一二示之其休咎立見年九十九立化

瑞竹領占狄道人姓石氏自幼為本郡寶塔寺僧永
樂四年以屢使絕域宣布王化功陞蕪州府僧綱司
都綱二十一年奉命招降陞僧錄司右闡教二十二
年陞左善世賜誥命金圖書服器宣德元年陞灌頂
圓妙廣智大國師二年奉使烏思藏公幹陞號清修
靜覺崇善慈應輔教闡範灌頂圓妙廣智大國師八
年正月內圓寂天順七年追封西天佛子成化二十

欽定四庫全書

卷四十一

二年追封大敏法王
賀蘭二老洪武二十七年中衛人張秋童入賀蘭山
伐木見二老坐石上問曰秋童何為對曰伐木二老
乃呼秋童與錢盈掬童歸尋往視之則二老莫知所
之其錢猶存

孫碧雲馮胡人幼即慕道年十三入華山明太祖召
赴京與語甚悅所賜之物辭不受肅莊王迎居金天
觀環室接引徒眾語多奧旨後還少華山水樂中賜

甄虛宣子年七十三羽化於武當山

郇道人蜀人至慶陽年七十餘道人嘗不言凡所欲言頤指色授館于鐘樓街築土被衲無晝夜露坐郡中子弟爭禮事之能治病令病者張目噓氣即可活居十餘年一日謂諸弟子曰吾將逝矣時夜半屋脊隱隱有霹靂聲若金戈鐵馬狀諸弟子震懾伏地天明起眎則道人死矣

清 然河南通許人自幼為僧戒行精嚴正德初遊

欽定四庫全書

卷四十一

五

入合水子午山樂其地僻人樸遂久隱焉常修環山寺及興教寺或謂其得黃白術云

如和尚不知何許人身軀頗偉髡首銅箍破衲跣足神光煥發每遊靜寧州市間無定處值暑則寒風逼人履冬則裸體仆雪或入冰水以浴終日常笑了無一言人問齋否則點首與之食一飯斗米時人呼為如瓜子云一日忽號於市曰我去也我去也連號數日羣小兒尾之乃跣跣端坐而化衆白於州牧建塔

龕馬會萬歷間天旱訖傳塔中有聲衆怪之乃以火焚後聞有過於蜀者

趙 仙美姿容善談論周濟貧乏施財不置然入其室無他囊案衾枕而已慶陽人咸怪之稱為趙仙時兵部侍郎陳震方為諸生聞而往見未至趙避去謂主人曰明日慶陽陳生來善待之勿令入吾室震至不見趙求入其室而返明日趙至志曰吾囑汝勿令陳入吾室乃令入焉吾弗可以居矣遂辭主人而行

欽定四庫全書

卷四十一

五

素厚者挽留之不可竟莫知所之

樊 讓階州所舍人幼博羣書工於詞翰常雲遊遇異人授奇門遁法及吐納之術年九十二無疾作贊而逝詞曰九九之九元門立久混合乾坤斡旋星斗保精氣以息神思無中而生有無無無天地原來一虛窟有有有天地能長而且久吾今返本含真道朗明明元不朽噴赤身無罣礙飛上白雲頭

牧羊女成化間不知姓氏誓不適人每入山牧羊念

佛一聲拾羊糞一粒投於智井數十年山谷坑壑處
盡為念佛所投之糞粒一日口吐青氣若蓮花之狀
端坐而逝鄉人遂於涼州南關廂建閣移其身飾以
泥至今稱為肉身菩薩

巴爾斯梵僧楚修於巴爾斯寺夷目供養已久明萬曆
二十六年田樂達雲恢復松山驅丙吉入寺見僧端
坐令斬之血出如乳操及者立斃後改巴爾斯為大靖
寺被回祿卜者以為枉殺高僧之故乃立祠塑像火

欽定四庫全書

甘肅通志

卷四十一

災遂息像存有碑記其事

張 清肅州中右所人行履篤實寡言笑好誦經靜
坐瞑目後年六十餘隱於寺至七十常言未來事人
問何以先知清曰夜有夢故先知當時以為神異及
卒人塑其像於文殊寺側

